

Нег кун мет дуугъан огчанавдн

Элст балгъсна ясврин заводин коллектив, СССР-н Деед Советин сунъгъврин одриг кӧдлмштӧн ик диилвр ӱзӱлдж темдглхмн гидж даалгъвравцхала. Тер кундтӧ ӱгӧн эдн бӧрдж, мана орн-нутгин оln келн-ӧмтнлӧ болн танъгъчин куч-кӧлсчнрлӧ хамдан, белгтӧгъӧн сунъгъврин байрта одрт ирдж, нег кун мет, коммунистнрин болн партийн биш улсин эвдршго хамцлтин кандидатмудт ӱр П. Г. Москатовин, А. Т. Киселевин болн ӱр Н. И. Жезловин тӧлӧ, цуг мана кӧдлӧчнр эврӧннь дуугъан огчӧцхӧнӧ.

Мана заводин кӧдлӧчнр ӧнъгрси джилин негдгч кварталд 245 минъгън арслнъга продукц гаргъдж орн-нутгтан ӧгсмн, эн джилин хойр сар 15 одрин эргцд 395 минъгън арслнъга продукц гаргъгдв, эс гидж 150 минъгън арслнъга ӱлӱ продукц ӧггдв.

Бидн нургълдж совхозмудин автомашидин мотормудт капиталън ясвр кецхӧнӧвдн. Эн гол кӧдлмшӧрн ӧргн социалистическӧдӧрлдӧ кӧдлӧчнр дунд делгрӱлдж, сӧн диилвр бӧрвдн. Ӧнъгрси джилин иим цагла дунъгцӱлхлӧ, хойр холван ӱлӱ мотормудин капиталън ясвр кӱцӧвдн.

Тӱӱнӧс онъгдан мана совхозмудт гидж эн джилин негдгч кварталд 259 гахан кормушке кедж ӧгвдн. Тӧрс-кн газртан ирджӧх ӧмтнд тосхгдджах гермӱдин бешд кергтӧ 190 цӧ плитас болн ӱӱдл кегдв, энӱг ӧнъгрси джилин тӱрӱн гурви сарин эргцд кӱцӧслӧ дунъгцӱлхлӧ 225 процент кӱргдж кӱцӧвдн.

Эн диилврмуд кӱцӧлгънд шундж кӧдллж, ӱлгӱр ӱзӱлси ӱр Адьянов Пантелей Платонович—газосварщик, одрин зурагъан 152 процент кӱцӧнӧ. Клубн, культурн болн гегӧнгерлин кӧдлмшт данъгин орцдж, сунъгъврт беллвр чигн Адьянов сӧн кӧдлв.

Слесарьмуд: Фадеев Нестер Тимофеевич кӧдлмшиннь кемджӧгъӧн 125 процент, Китаев Александр Павлович—201 процент, шлифовальщик Павшин Иван Федорович—175 процент, электросварщик Абушинов Алексей Дмитриевич—150 процент, токарьмуд Кийков Владимир Ефимович—126 процент, Корниенко Василий Васильевич—141 процент кӱцӧдж сунъгъврт ирцхӧв.

Ф. ОЛЕЙНИКОВ.
Заводин директор.